



**ՀԱՅՐ ՍԵՐՈՔ ՉԱՄՈՒՐԼՅԱՆ
ՄԽԻԹԱՐՅԱՆ ՄԻԱԲԱՆՈՒԹՅԱՆ
ԸՆԴՀԱՆՈՒՐ ՔԱՐՏՈՒՂԱՐ**

ՎԵՆԵՏԻԿ

Խոր վշտով գալիս եմք մեր սրտագգաց ցավակցությունները բերելու Մխիթարյան Միաբանությանը՝ Միաբանության Ընդհանուր Արքահայր և Առաջնորդ Հ. Սահակ վարդապետ Ճեմենեվյանի կարճատև և անողոք հիվանդության պատճառով անսպասելի մահվան առթիվ:

Թող Բարին Աստված հանգուցյալ իր ծառայի արդար հոգին սիրով ընդունի երկնքի արքայության լուսեղեն հարկերի մեջ և անսպառ մխիթարություն և ուժ պարգևի Մխիթարյան Միաբանության ողջ անդամներին:

Հ. Սահակ վարդապետ Ճեմենեվյան իր նվիրյալ և մաքուր կյանքով և իր գրական բեղուն աշխատանքով, իրրև պայծառ մի աստղ հայ ժողովրդի հոգևոր և գրական կյանքի երկնակամարում, պիտի մնա առհավետ:

Սույն թվականի հոկտեմբերի 20-ին, կիրակի օրը, հետ սուրբ և անմահ Պատարագի արարողության, Ս. Էջմիածնի Մայր Տաճարում հոգեհանգստյան հատուկ պաշտոն պիտի կատարվի մեր նախագահությամբ հանգուցյալ Արքահոր հոգվո խաղաղության համար:

Հիշատակն արդարոց օրհնությամբ եղիցի: Ամեն:

**ԳԱՐԵԳԻՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՅ**

*Ս. Էջմիածին,
11 հոկտեմբեր 1996 թ.*